



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

V La vie de saint Telesphore, Pape & Martyr.

---

[urn:nbn:de:hbz:466:1-75749](https://nbn-resolving.org/urn:nbn:de:hbz:466:1-75749)

Le iour de Pasques estant à table il s'esleua en esprit, & parmy tant de viandes Royales, dont il estoit seruy, luy qui estoit plus attëti à repaistre son ame de saintes considerations, N. S. l'esclaira d'une subite reuelation, en laquelle il luy descouurit ce qui arriueroit en l'Orient en 70. ans, les guerres, les miseres & calamitez quel'Asie souffrirroit.

Après son aduocat & Patron S. Pierre il portoit vne particuliere deuotion à l'Apostre saint Iean, & ne refusoit aucune chose qu'on luy demandast en son nom. Vn pelerin demanda vn iour l'aumosne au Roy au nom de saint Iean l'Euangeliste, auoc vne grande affection & importunité, l'aumosnier du Roy n'estoit pas lors pres de luy: de peur de l'esconduire ou de le faire trop attendre, le Roy luy donna vn anneau de prix, n'ayant autre chose à la main.

Aduint depuis que deux Anglois allerent en pelerinage en Hierusalem, pour visiter les saints lieux de la Croix, & du Sepulchre de nostre Seigneur, lesquels s'estans efgarez par vne nuit sombre, il leur apparut vn venerable vieillard qui les mena à la ville, les logea, & traicta fort honorablement, & le lendemain matin, comme il leur dit, qu'ils poursuiuaissent hardimët leur chemin, & qu'ils retourneroient heureusement en leur pays, qu'il les conduiroit, & leur seruiroit de guide, parce qu'il vouloit bië qu'ils sceussët qu'il estoit Iean l'Euangeliste, & apostre de Iesus-Christ, qui ayuoit leur Roy Edouard, à cause de son excellente chasteté, & qu'ils luy portassent cët anneau que le Roy luy-mesme luy auoit donné, comme il luy demandoit l'aumosne en habit de pelerin. Il adiousta dauantage qu'ils luy dirent de sa part, que le temps s'approchoit qu'il deuoit sortir de ce monde, & qu'à six mois de là il le visiteroit, & meneroit avec luy à la suite de l'Agneau immaculé, pour iouyr des merites de sa croix, & de son sang tres-benit. Disant cela, le Vieillard qui parloit aux Anglois disparut: ils arriuerët à bon port, & racõterent au Roy ce qu'ils auoient entendu, & pour tesmoignage de la verité, luy rendirent l'anneau qu'ils auoient receu du S. Apostre.

Le Roy tomba malade, & estant accablé de sō infirmité il demeura deux iours en tel extase, qu'on le tenoit pour mort. Car le Roy recognoissant que l'heure de sō trespas approchoit, & qu'il deuoit quitter le Royaume temporel de la terre, pour aller iouyr de l'eternel au Ciel, commanda qu'on publiast de toutes parts l'heure de son deces: afin que ses bons & fideles sujers l'aydassent par leurs suffrages & oraisons: estant chargé d'années, & de merites, apres auoir regné 23. ans six mois, & 27. iours, il rendit l'esprit à Dieu le 4. de Ianuier 1096.

Avec luy mourut la liberté, & toute la felicité d'Angleterre. Nostre Seigneur fit plusieurs miracles par l'intercession du S. Roy apres son deces. Il guarit plusieurs malades, illumina les aueugles, & chastia vne femme qui trauailloit le iour de la feste du Saint, d'une paralytie dont elle guarit, apres auoir recogneu sa faute, & en

ayant demandé pardon. On ouurit son tombeau trente six ans apres son trespas, & son corps fut trouué entier, maniable, & sans aucune corruption, & avec ses vestemens aussi neufs que le iour mesme qu'il fut enseuely dans le tombeau. Le Pape Alexandre III. le canonisä, & expedia sa Bulle en Anagnin le 7. de Feurier, & Innocët IV. commanda que sa feste fust celebrée. Et l'an 1163. enuiron cent ans apres la mort de ce Saint Roy vn iour de Dimanche, le troiesime d'Octobre, le Roy Henry II. d'Angleterre accompagné des Eueques, Abbez, & Prelats, Comtes, & Seigneurs de son Royaume, & de la Normandie, qui fut l'an quatorziesme du Pontificat d'Alexandre III. & le 9. dudit Henry, se fit vne autre translation de ce S. corps, le Roy, & les Milors de sa Cour le portans sur leurs espauls.

La vie de saint Edouard Roy a esté escrite par Abred Reuuel Anglois, religieux, & Abbé de Cisteaux, qui viuoit en l'an de nostre Seigneur 1164. duquel & de l'histoire de Pelidor Virgile. Collecteur Apostolique en Angleterr, eceste vie a esté extraicte. Le Martyrologe Romain fait mention de saint Edouard Roy, le 5. Ianuier, & le Cardinal Baronius en ses Annotations, & Iean Molan en celle qu'il a faicte au martyrologe d'Vsuard, lequel allegue d'autres Auteurs qui ont escrit sa vie & ses miracles, Surius l'a rapportée en son premier Tome, & sa canonisation que fit Alexandre III. successeur d'Adrien IV. Ne deuous nous pas loier nostre Seigneur des excellens dons desquels il honora ce saint Roy, de l'auoir esleu & appellé à vne telle gloire des auparauant sa naissance? de ce qu'il luy pleut reueler long temps deuant les grandes faueurs qu'il promettoit par son moyen au Royaume d'Angleterre? Qui n'admirera & ne taschera d'imiter ceste chasteté qu'un Roy garda tant d'annees avec la Roync sa femme en vn saint mariage? Ceste tres-profonde humilité, & mespris de soy-mesme, quād il porta sur ses espauls vn pauvre estropié pour obtenir sa santé? Qui ne seruira nostre Seigneur d'affection, voyant comme il honore & glorifie ses Saints? come il les exalte par ses miracles, & les recompense si magnifiquement, donnant la paix, la santé, & la felicité aux Roys immortels & eternels Courrifans du Ciel?

LA VIE DE SAINT TELESPHORE  
Pape & Martyr.



AR la mort de saint Sixte, premier du nom, Pape & Martyr, S. Telesphore luy succeda en la chaire de S. Pierre. Il estoit Grec de nation; & auoit esté auparauant Anachorete, & pour sa grande sainteté & hauts merites, deux iours apres la mort de S. Sixte, il fut esleu Pape, avec vn grand applaudissement de tous. Plusieurs heretiques & faux Prophetes s'esleuerent de son temps, qui troublerent la sainte Eglise

denostre Seigneur, & par leur mauuaise & des-  
 IAN. honneſte vie, des-autorifoient & faisoient per-  
 VI ER. dre beaucoup de credit à la religion Chreſtienne,  
 Car comme ils estoient mal viuans, & addōnez  
 à toute forte de voluptez & ordures, sous pretexte  
 qu'ils s'attribuoient le nom de Chreſtiens, les  
 Gentils pensoient que tous les autres Chreſtiens  
 leur reſſembloient, & que leur Religion les licen-  
 cioit à mener vne telle vie, de forte qu'ils les auoient  
 tous en horreur, & les perſecutoient, comme gens  
 indignes de viure, & contre leſquels on ne pouuoit  
 aſſez deſployer de tourmens. Neantmoins il pleut à  
 noſtre Seigneur par la vigilance & diligence de ſainct  
 Teleſphore & de ſainct Iuſtin Philoſophe, & Martyr, & d'autres  
 ſaincts & tres-doctes hommes, que Dieu ſuſcita en  
 ſon temps pour l'appuy de ſon Eglise, que la verité fut  
 deſcouuerte, & les Heretiques, avec leurs adherans,  
 furent recogneus en leur mechanceté, & les Catholiques  
 pour tels qu'ils estoient. Sainct Teleſphore fut en ſa  
 vie & conuerſation fort ſemblable aux ſaincts Pontifes  
 ſes predeceſſeurs, & tel qu'il estoit requis en vne ſi  
 haute dignité. Il ordonna qu'auant Paſques on ieunast  
 ſept ſepmaines, & que les Clercs commençaſſent  
 dès le Dimanche de la Quinquageſime. D'où vint que  
 quelques-vns eurent opinion que ſainct Teleſphore auoit  
 inſtitué le ieufne en Careſme: mais la verité eſt telle,  
 que les Apoſtres l'inſtituerent, & qu'il ſe prati-  
 quoit en l'Eglise auparauant ce ſainct Pape, voire dès  
 les premiers commencemens d'icelle, comme nous  
 apprenons de ſainct Ignace & d'autres tres-ſaincts &  
 tres-anciens Autheurs: il commanda auſſi qu'on diſt  
 la Meſſe la nuit de Noël, & qu'on diſt en la Meſſe  
 l'Hymne des Anges: *Gloriam excelsis Deo*, &c. Il tint  
 quatre fois les Ordres au mois de Decembre, & ordonna  
 en iceux douze Preſtres, huit Diacres & treize Eueſques.  
 Il fut martyriſé au temps d'Antonin Pie, l'an de noſtre  
 Seigneur 154. & fut enterré au Vatican, auprès du  
 corps du Prince des Apoſtres, ſainct Pierre, apres auoir  
 gouuerné l'Eglise onze ans & neuf mois, moins trois  
 iours. La ſaincte Eglise celebre ſa commemoration le  
 cinquième de Iauier qui fut le iour de ſon martyre,  
 & la ſaincteté de Clement VIII. l'a fait adiouſter  
 au Breuiaire reformé, qui a eſté publié l'an 1572.  
 Le Martyrologe Romain fait mention de ſainct  
 Theleſphore, & ceux de Beda, Vſuard & Adon.

*La Vigile de l'Epiphanie ou feſte des Rois. A Rome ſainct  
 Teleſphore Pape, ſucceſſeur de ſainct Xyſte premier, ayant  
 enduré beaucoup de traucſes au temps de l'Empereur  
 Antonin ſurnommé le debonnaire, ſouffrit en Egypte la  
 commemoration de pluſieurs ſaincts Martyrs, leſquels  
 durant la perſecution de Diocletian, furent tantost  
 ſoixante, tantost cent en un iour mis à mort, par  
 diuerſes ſortes de tourmens, bouche-rie qui dura  
 pluſieurs années es quartiers de la Thebayde. En  
 Antioche deceda l'an quatre cents & trente, ſainct  
 Simeon Moyme, la vie & conuerſation duquel fut  
 admirable. Car il habita durant pluſieurs années,  
 ſur vne colonne d'où il fut ſurnommé Stylite. En  
 Angleterre l'an mille ſoixante & ſix mourut  
 ſainct Edouard Roy, renommé pour ſa chaſté,  
 & don des miracles. En Alexandrie ſaincte  
 Syncretique la*

*ienne, les haurs faits de laquelle ont eſté mis en eſcrit  
 par ſainct Athanaſe. A Rome ſaincte Emyliane  
 vierge, tante de ſainct Gregoire Pape eſtant à  
 tel iour appellée & inuitée par ſa ſœur  
 Tarſille ſa decedée, paſſa à vne  
 meilleure vie. A meſme iour mourut  
 ſaincte Apollinaire vierge, fille du  
 tres-pieux Anthemie qui auoit eſté  
 Conſul au temps de l'Empereur  
 Arcade.*

LA FEſTE DE L'EPIPHANIE OY  
 adoration des Rois.



V ſacré ſainct myſtere de l'Epiphanie la ſaincte Eglise celebre ce riche & heureux iour, auquel le fils de Dieu veſtu de noſtre chair ſe manifesta aux Roys mages, comme aux pre-  
 mices de la Gentilité. Car comme ce Seigneur estoit Roy du monde, & venoit pour le ſauuer, incontinent qu'il naquit il voulut eſtre cogneu de ceux qui estoient eſloignez, des naturels & des eſtrangers, des Paſteurs & des Roys, des ſimples & des doctes, des pauures, des riches, des Hebreux, & des Payens, de la Synagogue, & de la Gentilité, & vnir ceux qui estoient ſi contraires en Religion & cognoiſſance d'vn meſme Dieu.

Toutes les ſainctes lettres nous chantēt ce myſtere & incōparable biē-fait de noſtre Seigneur & nous declare qu'il deuoit eſtre adoré des Gētils, recogneu & ſeruy des Rois de la terre. Le Prophete Balaam diſoit: *Il naiſtra vne eſtoille de Iacob, & vne verge d'Iſrael, laquelle ſubinguera les Capitaines de Moab, & diſtraira les enfans de Seth, & ſera maiſtreſſe & iouſſante d'Idume.* Donnant à entendre que tous ces peuples qui estoient des Gentils ſeroient ſubiets à la verge & au ſceptre de Ieſus-Chriſt: ce qui fut accompli en la conuerſion de la Gētilité. Et le Prophete Royal Dauid: *Les Roys de Tharſis & de l'Iſle offriront des preſens, les Roys d'Arabie & de Saba apporteront des dons.* Tous les Roys de la terre l'adoreront, & toutes les nations le ſeruiront. Iſaye prophetiſe en pluſieurs endroits ceſte venuē des Roys, la ſubmiſſion & les preſēs dont ils le deuoient reuerer & luy faire homa-  
 ge: & les autres prophetes eclairciz de la lumiere du Ciel nous aduertirent fort long-tēps auparauant de ceſte verité, comme de choſe ſi importante, & en laquelle les Iuiſ deuoient broncher.

Et les Apoſtres meſme tindrent la miſſion aux Gentils pour vne nouuelle, iuſques à ce que par ceſte viſion du linceul plein de ſerpens & de toutes ſortes d'animaux, qui ſe presenta à S. Pierre, il entendit ce ſouuerain myſtere. tout ainſi donc comme à l'heure de la naiſſance de ce tendre enfant & Dieu eternal, dans le porche de Bethleē, il enuoya l'Ange pour aduertir les Paſteurs qui gardoient leurs troupeaux, & veilloient là apres, que le Sauueur estoit né, & leur donna des enſignes pour le trouuer & recognoiſtre, & ils le virent & l'adorerent comme les pre-  
 mices de la Synagogue: de meſme il ordonna qu'vne nouuelle eſtoille apparut en meſme temps en